

Fèyton sa komansé

[M'i rotrov pa mon klé é mon sha i atann amwin déor.](#) Bin la kosa ? Ousa mwin la mète sa ankor ?

Nila i vèy amwin an misouk. Mwin lé sir li lé pou monte in plan. Sha-la i ador kashiète mon bann zafèr. M'i avanse dousman... mon min kroizé dann mon do.

La m'i guète adroite, agosh... kan m'i pran lélan vèr li, sha-la i détale dérièr pié zéranom, i grinpe an lèr pièdboi. Mèm moman, mon porte klé porte bonèr mwin té pour rodé dopi dé troi zour i tonm atèr. Fouti. Lo ti porte klé an forme lo sha i kass par bouté. In ta zékli partou. M'i té ième ti porte klé-la oté !

Mavé asté sa la fète shinoi. In lo zirman i pass dann mon tèt. Na dé foi m'i domann poukoé m'a parti pran in sha. Pfff... La m'i bouiye. Mon sovè i dréss dési mon tèt. Mon ti fèyton i sa komansé, rante dann mon kaz mwin la pankor guinyé.

« Saint Antoine, èd amwin siouplé ! Ousa mwin la mète mon klé ? »

Lo tan mwin lé pou grène mon lo la prièr, m'i oi l'overdose i pass, li sif kom dabitid. Na poin in zour mésié-la lé pa de bone imèr. Touzour pou trinbal in zafèr. A mézir li avanse, mi konpran. A a... [É alala m'i oi dann zot park dé zoizo inséparab.](#)

Mimine